

Na osnovu članka 128. stavka 2. tačka j.) i stavka 4. Zakona o osiguranju (Službene novine Federacije BiH, broj: 23/17) Agencija za nadzor osiguranja Federacije Bosne i Hercegovine, u okviru vršenja općih ovlaštenja, sva društva za osiguranje koja posluju u Federaciji Bosne i Hercegovine, upućuje na provođenje slijedećih

**MJERE ZA OSIGURANJE ZAKONITE PRIMJENE ODREDBI ZAKONA O
POSREDOVANJU U PRIVATNOM OSIGURANJU U POSTUPCIMA JAVNIH
NABAVKI**

I. Agencija za nadzor osiguranja Federacije Bosne i Hercegovine upućuje društva za osiguranje koja posluju u Federaciji Bosne i Hercegovine, nezavisno od toga da li imaju sjedište u Federaciji Bosne i Hercegovine ili u Republici Srpskoj da ne postoji osnov za isplatu posredničke provizije sa aspekta odredbi Zakona o posredovanju u privatnom osiguranju („Službene novine FBiH”, br.22/05,8/10 i 30/16) koja se isplaćuje posrednicima/brokerima u osiguranju koji ne vrše svoju osnovnu funkciju predviđenu člankom 8. Zakona, a koja se ogleda u dovođenju u vezu osiguranika, odnosno Ugovornog tijela sa društvom za osiguranje, odnosno ugovarača osiguranja i osiguravača.

II. Uprave društava za osiguranje dužne su osigurati poslovanje društva u skladu sa zakonskim propisima kao i u skladu sa propisima donesenim na temelju zakona od strane Agencije.

III. U slučaju ne postupanja u skladu sa zakonima koji uređuju ovu oblast, podzakonskim aktima donesenim na temelju tih zakona, kao i ovim naloženim mjerama, Agencija će koristiti ovlaštenja iz čl. 39., 40. i 41., kao i ovlaštenja iz čl. 216. Zakona o osiguranju u svrhu zaštite interesa svih sudionika obvezno pravnih odnosa, oštećenih i industrije osiguranja.

IV. Danom stupanja na snagu ovih Mjera za osiguranje zakonite primjene odredbi Zakona o posredovanju u privatnom osiguranju u postupcima javnih nabavki prestaju važiti odredbe Smjernica o pravu posrednika/brokera u osiguranju na posredničku proviziju u postupcima javnih nabavki usluga osiguranja broj: 01-06-059-2943/17 od 18.10.2017 godine.

V. Mjere za osiguranje zakonitog vođenja poslova u oblasti posredovanja u privatnom osiguranju stupaju na snagu danom donošenja.

Broj: 01-059-3614

Sarajevo, 27.12.2017.godine



DIREKTOR

Dinko Musulin